



**PRODUCTIVE PARTNERSHIPS IN AGRICULTURE PROJECT  
(PPAP)**

# **NAMBAWAN SINGAUT LONG RAITIM PROPOSOL**

**TOK KLIA LONG HUSAT BAI KEN APLAI**

**Novemba 2011**

### **DISCLAIMER**

The translation in Tok Pisin is based on the English original. In case of discrepancies, the English original is the only legally binding document.

---

## **OL TOKTOK I STAP INSAIT**

1. TOK I GO PAS	1
2. AS TINGTING BLONG PPAP	4
3. HUSAT BAI KEN KISIM DISPELA HALIVIM NA HANMAK BILONG OL WOKBUNG	6
3.1 OL LAIN I MEKIM NAPIM DISPELA TINGTING BILONG WOKBUNG	6
3.2 WANEM KAIN HAN MAK OL WOK POROMAN BAI PUTIM?	7
3.3 MAK BILONG MONI INAPIM OL WOK POROMAN	7
3.4 WANEM KAINKAIN WOK PPAP I SAPOTIM?)	7
3.5 WANEM OL KAINKAIN WOK PPAP BAI NO KEN SAPOTIM?	9
4. KOMPONEN 3 – INFRASTRAKSA	10
5. TOK LUKAUT LONG SAET BILONG ENVAIRONMEN NA SOSOL GAIDENS	11
6. WANEM KAIN ROT O WEI OL POROMAN IMAS SAVE LONG KISIM TOK ORAIT BILONG PPAP?	12
7. PASIN BILONG GIVIM MAK LONG DISPELA RESIS	14

Appendix 1 Taimlain bilong ol Wok Poroman.

Appendix 2 Aplikesen Fom bilong ol Singaut long proposal bilong ol wok Poroman

Appendix 3 Pasin bilong skelim ol poroman, husat inap kisim dispela halivim.

Appendix 4 Gutpela Pasin bilong Wok (Code of Conduct) namel long ol PPAP wok manmeri na ol memba bilong ol Projek Komiti

Contact Information

---

## ACRONYMS

<b>CB</b>	Cocoa Board
<b>CFP</b>	Call for Proposals
<b>CIC</b>	Coffee Industry Corporation
<b>DAL</b>	Department of Agriculture and Livestock
<b>ESMF</b>	Environmental & Social Management Framework
<b>GoPNG</b>	Government of Papua New Guinea
<b>ICC</b>	Industry Coordinating Committee
<b>IDA</b>	International Development Association
<b>IFAD</b>	International Fund for Agricultural Development
<b>IPA</b>	Investment Promotion Authority
<b>LLG</b>	Local Level Government
<b>M&amp;E</b>	Monitoring and Evaluation
<b>PCU</b>	Project Coordination Unit
<b>PP</b>	Project Proposal
<b>PPAP</b>	Productive Partnerships in Agriculture Project
<b>PMU</b>	Project Management Unit
<b>PNG</b>	Papua New Guinea
<b>TAC</b>	Technical Advisory Committee

---

# 1 TOK I GO PAS

Dispela pepa i soim ol rot bilong wok bung wantaim na aplai long kisim helpim long sait bilong moni insait long dispela nambawan singaut long raitim pas i gat plen long en i kam ananit long komponen 2 bilong Productive Partnerships in Agriculture Project (PPAP). Dispela komponen 2 bilong PPAP, em wanpela kain wok resis namel long Cocoa board of PNG na Coffee Industry Corporation, wantaim sapot na tu wok bung wantaim Department of Agriculture and Livestock, International Development Association (IDA) na International Fund for Agriculture Development (IFAD) we moni i kam long en.

Mak bilong dispela projek long sait bilong divilopmen em;

**bilong kamapim gutpela sindaun bilong ol liklik bisnis long sait bilong lukautim gut kakau na kopi insait long ol ples we ol i save kamapim dispela ol samting.**

Dispela em bai kamap sapos yumi strongim wok bilong kampani na oganaisesen husat i save helpim wok bilong ol liklik bisnis bilong fama na tu ol bikpela bisnis long wok bung wantaim na ron gut. Dispela em long sait bilong teknologi na sevis na tu long sait bilong salim dispela ol samting.

Dispela nambawan mak we komponen 2 bilong PPAP i laik bai kamap long en, em long strongim gro na divilopmen na tu kamapim planti ol liklik bisnis long ron gut. Na tu dispela olgeta ol kampani, bisnis na oganaisesen husat i save helpim long sait bilong planim, groim na salim dispela ol samting olsem kakau na kopi i save mekim na prais bilong dispela ol samting i save go antap. Dispela em long sait bilong divilopim na mekim i kamap ol wok bilong ol publik na praivet bisnis insait long ol projek hap i go bikpela. Em i gat tupela liklik komponen we i karamapim dispela wok bung wantaim bilong kakau sub-sekta na kopi sub-sekta.

Moni bilong dispela ol projek bai i go long ol wanwan bisnis we i soim gutpela kaikai long wok bilong ol wantaim ol liklik bisnis na ol i laik long mekim dispela wok i go moa yet. Insait long taim yu kamapim dispela pasin bilong wanbel na wok bung wantaim ol liklik bisnis, we lo i givim tok orait long ol i ken wok; dispela em bilong helpim ol long karim gutpela kaikai long sait bilong wok na tu skel bilong dispela ol samting ol i mekim long faktori i mas kamap gutpela tru. Dispela em bai mekim dispela fama bisnis bilong kakau na kopi bai kamap moa gutpela na em bai sanap strong. Kain ol bisnis olsem, praivat bisnis o grup bisnis na tu ol liklik ol bisnis bilong ol fama husat i save groim kakau na kopi.

Mak bilong kaikai bilong dispela projek em bai kamap olsem;

- Liklik ol fama bisnis i mas traime long kisim na bihainim dispela pasin bilong wokim planti samting hariap long liklik taim tasol. Olsem long sait bilong wok fama na tu long rot bilong salim dispela ol samting long mekim kaikai bilong dispela wok fama i mas sanap strong na kamap moa gutpela.
- Taim ol wok hat long wok bung wantaim na surikim dispela wok i go moa yet, em bai kamapim moa gutpela kaikai we planti lain bai laikim na tu em bai sanap strong.
- Rot na bris bilong mekim isi long karim kakau na kopi igo salim

Ol manmeri husat i aplai i mas gat gutpela save long ol wanem kain rot bilong stretim na ronim ol projek na dispela em i save kamap long 2-pela rot; insait long nambawan (1) rot, toksave bai kam long **singaut bilong raitim wanpela pas i gat plen long en** we ol lain husat i aplai i mas stori liklik long wanem kain rot stret bai ol i bihainim long wok bung wantaim na tu wanem kain samting ol i bai mekim long kamapim gutpela kaikai bilong dispela wok.

Taim pas bilong dispela ol lain husat i aplai i kamap long didispela mak bilong nambawan (1)rot, orait nau ol bai tokim dispela ol lain tasol long raitim gut dispela pas wantaim olgeta liklik toktok bilong mekim dispela **projek i kamap na wok gut** na tu wanem kain **plen bilong bisnis** insait long **nambatu (2) rot**. Dispela ol lain tasol we pas bilong ol i kamap long dispela mak bilong nambawan (1) rot bai ol askim ol tasol long bihainim nambatu (2) rot.

Dispela ol manmeri we pas bilong ol i no kamap long dispela mak bilong nambawan(1) rot, em bai ol kisim tok save namel long 15-pela de long dispela mak ol i kisim. Ol bai givim tok save long ol long wanem as stret na pas bilong ol i no kamap long dispela mak bilong nambawan(1) rot. (Lukim long seksen 6. Pasin bilong makim na wok bung wantaim).

Ol manmeri husat i aplai na raitim pas i gat plen long en i mas save gut tru long wanem kain mak stret ol inap long kamap long sait bilong wok bung wantaim na mekim ol wok, long wanem kain pas stret ol i mas raitim bilong nambawan (1) rot na tu lukluk long wanem kain tok orait i stap long en. Dispela kain ol tok save bai givim ol gutpela toktok bilong helpim yu long raitim gut pas taim yu aplai insait long taim yu kisim dispela nambawan (1) tok save bilong raitim pas.

Yu nidim kain ol oganaisesen bilong PMU olsem kakau PMU i stap long Kokopo na kopi PMU i stap long Goroka, bilong helpim skulim yu na soim rot bilong raitim pas wantaim olgeta liklik toktok bilong mekim dispela projek i kamap na wok gut na tu ol wanem kain plen bilong bisnis.

Dispela kain ol toktok i soim wanpela bikpela piksa bilong dispela as tingting long sait bilong **nambawan (1) singaut i go long raitim pas i gat plen** long en na tu ol rot bilong aplai. Bai yu painim wanpela aplikesen pepa insait long Appendix 2. Yu mas traim long ritim ol toktok i stap insait long **PPAP Aplikesen pepa** pastaim, orait bihain yu ken aplai i kam.

Long hia bai yu painim:

- **Seksen 2** soim wanpela kain piksa long as tingting bilong PPAP.
- **Seksen 3** i toktok long rot we yu inap long kamap long dispela mak we ol putim long en, na tu ol wanem kain rot bai yu bihainim long sait bilong skelim prais bilong ol samting. Dispela seksen tu i save toktok long wanem em ol gutpela bisnis we yu ken wok bung wantaim na ol bai sapatim na helpim yu long kainkain rot.
- **Seksen 4** i toktok liklik long ol rot bilong usim moni long sapatim na strongim wok bilong wanpela bisnis o kampani olsem bipo em bin kamap na stap long en. Dispela moni em i kam aninit long komponen 3.
- **Seksen 5** i givim wanpela kain rap piksa long sait bilong envaironmen we yu mas tingting gut pastaim, taim yu laik statim ol projek bilong yu.
- **Seksen 6** i tok klia long wanem kain ol rot yu mas tingim gut pastaim, taim yu laik raitim plen bilong nambawan (1) rot.
- **Seksen 7** i givim ol toktok bilong wanem kain rot stret ol bai usim bilong makim ol lain bilong wok bung wantaim.

Taim yu kamapim pinis dispela ol bisnis bilong wok bung wantaim, orait yu mas stat long pinisim dispela singaut bilong raitim plen we Appendix 2 i bin toktok long en. Yu mas salim olgeta pepa wok bilong plen i go long dispela PMU bifo long 9 Janauri 2012.

Bipo long yu stat long pulimapim dispela aplikesen pepa, plis yu mas sekim seksen 2 i go long 6 bilong dispela buk na lukim wanem kain mak stret ol inap long givim yu sapos yu bihainim stret dispela olgeta tok save i stap long Appendix 3 long helpim yu luk save long olgeta samting we PPAP.

Planti taim dispela oganaisesen husat i go pas long dispela 2-pela bisnis, em i save salim aplikesen pepa bilong 2-pela i go. Sapos yu no dispela oganaisesen husat i go pas long en olsem seksen 3.1 i toktok long en, orait yu nid long painim wanpela poroman oganaisesen husat inap long salim dispela aplikesen pepa i go.

Dispela oganaisesen husat i go pas long en i mas redim dispela pas i gat plen bilong projek wantaim olgeta helpim i kam yet long ol poroman oganaisesen. Taim yu pulimapim dispela pas i gat plen long en, orait yu mas salim i go stret long Kopi PPAP PMU insait long pepa (wantaim narapela kopi i stap insait long CD o flash drive) o yu ken salim olsem wanpela attachment long email olsem word document. Yu mas givim aplikesen pepa bilong yu 1-pela gutpela nem, we bai soim 2-pela nem bilong yu na poroman oganaisesen bilong yu wantaim.

Wanpela kopi bilong PPAP grievance Procedure em bai ol salim i kam wantaim dispela ol tok save bilong soim yu rot.

## 2 AS TINGTING BILONG PPAP

Insait long kopi na kakau bisnis, planti ol liklik bisnis bilong ol didiman i save go insait long planti hevi na ol i no save gut long wanem kain rot stret bilong salim kaikai bilong ol. Olsem na dispela em i save pasim ol long lukluk i go moa long sampela kain mak bilong salim kaikai. Planti taim, ol liklik bisnis i nogat pawa long apim o daunim prais na tu wok bilong ol i no save go bikipela long wanem, i gat planti hevi long sait bilong salim samting. Ples we planti ol liklik bisnis bilong kopi na kakau i stap long en, em i nogat gutpela rot, fektori na ol narapela samting we em bai helpim ol long prosesim dispela kopi o kakau. Sampela taim; wantaim ol liklik o nogat ol gutpela sevis, ol liklik bisnis bilong ol didiman bai gat liklik save tasol long ol nupela teknologi na tu ol samting olsem kemikol nabaut bilong helpim gro bilong ol samting ol i planim long en.

Kain ol bikipela bisnis insait long wok didiman i save wok strong long toktok wantaim ol didiman long wanem kain nid i stap long maket na tu ol i save soim ol wanem kain rot em i gutpela long ol didiman i ken bihainim long stap insait long maket. Tasol, taim dispela ol bikipela ol bisnis i laik wok bung wantaim ol liklik didiman bisnis long longpela taim, em i save dia tumas long sait bilong ol bikipela bisnis. Kain olsem, luksave long ol didiman, bungim ol long ples we i hat long go, kamapim ol didiman grup, kisim ol skul toktok we em bai helpim ol didiman na tu soim ol gutpela rot bilong bihainim insait long wok didiman.

Ol lain husat i stap long publik ofis i mas traim long helpim na sapatim ol liklik didiman bisnis na oganaisesen insait long hap ples bilong ol; kain olsem givim ol nupela samting we teknologi i bringim i kam long en. I gat wanpela bikipela nid i stap long sait bilong maketim kaikai, we rot bilong salim kaikai em i bagarap pinis. Dispela i mekim na ol didiman i no inap long karim kaikai bilong ol i kam long maket na salim.

Kamapim dispela pasin bilong wok bung wantaim ol narapela bisnis long sait bilong wok didiman kain olsem ol oganaisesen bilong; baim nupela kaikai, bilong karim nupela kaikai long wanpela ples i go long narapela ples, na tu ol didiman yet. Dispela em bai kamapim moa gutpela kaikai long sait bilong wok na tu kaikai bilong ol liklik bisnis bilong kakau na kopi em bai karim gut. Narapela samting tu em bai helpim ol long luksave long ol wanem kain sik i ken bagarapim kakau o i ken kamap long kopi long bihainim taim. Planti bilong dispela kain bisnis bilong wok bung wantaim i kamap pinis we ol oganaisesen bilong baim ol nupela kaikai na salim i go long ovasis, i wok wantaim ol didiman na dispela i helpim ol didiman long sotpela taim tasol na tu ol i no lusim planti moni tumas. Wanpela rot bilong kamap long dispela kain mak we **PPAP** i tingting long mekim em long kisim na bihainim dispela ol tingting bilong kamapim ol gutpela rot bilong maket na tu kamapim ol nupela oganaisesen na bisnis bilong wok bung wantaim. Dispela em as tingting stret we **PPAP** i tingting long mekim i stap.

Dispela projek em bai stat long kamap insait long **4-pela provins long sait bilong kopi** na **2-pela provins long sait bilong kakau**:



- Eastern Highlands Province,
- Simbu Province,
- Western Highlands Province,
- Jiwaka Province

(we olgeta i bung wantaim na salim 92% bilong PNG kopi i go ovasis),

- 
- East New Britain Province
  - Autonomous Region of Bougainville
- (we bipo ol i bin salim 70% bilong PNG kakau i go ovasis).

Wanpela wok bilong dispela projek we ol i tingting long mekim bihain long taim ol i lukim dispela nambawan projek i ron olsem wanem, em ol bai putim long ol ples (olsem Madang Provins, East Sepik Provins na Morobe Provins).

Ki samting ol bai lukluk long mekim wok i go moa yet insait long dispela ol narapela provins em kain ol samting olsem;

- i. Gutpela kaikai i kamap long ol wok insait long ol provins we dispela nambawan projek i bin stat long en,
- ii. Sanapim ol planti ol liklik opis insait long wanwan ples bilong lukautim olgeta ol wok bilong projek,
- iii. Ol bisnis na didiman insait long dispela ol nupela provins i mas soim bikpela laik long mekim dispela kain ol wok.

### 3 HUSAT BAI KEN KISIM DISPELA HALIVIM NA HANMAK BILONG OL WOKBUNG

#### 3.1 OI LAIN I MEKIM NAPIM DISPELA TINGTING BILONG WOKBUNG

Dispela ol lain ol i makim long wok poroman wantaim mas soim olsem ol gat save, inap long lukautim ol kontrak na ol wok we dispela wok bung wantaim i bin toktok long kamapim. Tingting na laik i bin stap olsem planti bilong dispela ol wok bung wantaim i bai kamap namel long ol fama grup na ol narapela oganaisesen kain olsem:

- Ol bikpela bisnis bilong fama o ol praiwat bisnis o ol narapela bisnis husat i wok insait long dispela bisnis bilong fama;
- Wanpela husat i gat save o inap long givim sevis (praiwat o publik bisnis o oganaisesen kain olsem Yunivesiti o NGO);
- Ol liklik ol fama bisnis husat i save wok bung wantaim long kamapim wanpela bisnis o kampani o asosiasen;
- Wanpela kain wok bung wantaim we planti ol bisnis, kampani na oganaisesen i kam wok bung wantaim na wanpela tasol namel long dispela olgeta bisnis, kampani o oganaisesen em inap long go pas long ol.

Dispela graun em i pulap long planti ol kain kain lain husat inap long kamap olsem ol gutpela poroman bilong wok bung wantaim. Long kamap long dispela mak bilong go pas lain long ol narapela bisnis, kampani o oganaisesen i mas

- Inap long kamap long dispela mak bilong putim mak o nem bilong em long ol kontrak we lo i givim tok orait long en na tu inap long kisim mani i kam insait long dispela wok bung wantaim.
- kamap olsem memba bilong wanpela kampani o bisnis we i orait insait long lo na givim nem i go aninit long [Investment Promotion Authority \(IPA\)](#) bilong Papua New Guinea o i ken olsem wanpela bisnis o kampani we i gat planti ol memba husat i save wok bung wantaim long ronim dispela bisnis na ol i ken givim nem i go long [Cooperative Societies](#) Bilong Papua New Guinea o kamap olsem wanpela asosiasen we nem em ol i bin givim pinis.

Ol narapela husat i wok poroman o bung wantaim i nogat nid long givim nem olsem lo i tok long en o traim long kamap olsem memba bilong wanpela kampani.

Ol wok we inap long kamap long en, em bai ol tambuim long wanem kain ples o komuniti ol i makim stret long en. Ol wok we inap long kamap long en, em bai kamap long wanwan ples/komuniti tasol, ol bisnis husat i go pas long dispela wok poroman wantaim o ol fama bisnis grup husat i save wok bung wantaim i toktok long en. **Dispela ol lain husat i bai wok poroman wantaim, em bai ol lain olsem ol liklik fama bisnis bilong kakau na kopi.** Dispela em i go long ol **wanwan hauslain we projek kakau o kopi bilong ol em kam aninit long 5-pela ha.** [PPAP](#) bai no inap rausim ol fama we wok bilong ol em i bikpela tumas taim ol i wok olsem ol paslain insait long sait bilong givim sevis. Dispela ol sevis em kain olsem ol bikpela haus long wanpela ples we ol i ken usim long sait bilong teknikal wok na tu bai givim samting bilong helpim gro bilong kakau na kopi o long sait bilong prosesim kakau na kopi.

Tingting i stap olsem sampela bilong disepla ol lain husat i wok poroman wantaim bai wanbel long wok wantaim dispela lain husat i go paslain long ol, long sait bilong givim sapot i go long ol lain husat i makim ol smolholda fama na tu long ol lain husat i helpim ol i go long sait bilong givim save long ol fama.

### 3.2 WANEM KAIN HAN MAK OL WOK POROMAN BAI PUTIM?

Long sait bilong skelim prais namel long **PPAP** na ol lain husat i wok poroman wantaim, em bai gat senis taim ol lukluk long hamas mani ol lain husait i wok poroman wantaim i save kisim ikam insait long bisnis bilong ol long wan wan yia.. Dispela ol lain poroman we pei bilong ol em i liklik, ol bai kisim bikpela sapot. Dispela ol poroman we pas (i gat plen long en) i soim ol long en, em dispela ol lain tasol bai ol i skelim i go long 2-pela mak:

1. Dispela ol poroman husat i save bungim olgeta ol mani bilong ol, we i save kam insait long bisnis long wanwan yia na prais bilong dispela olgeta mani **i go antap long PGK 400,000, em ol bai kisim 70% sapot** bilong mekim ol wok we inap long kamap long en. Dispela em i stap aninit long ol wanwan pas (i gat plen long en) we ol makim pinis long en;
2. Dispela ol poroman husat i save bungim olgeta ol mani i kam insait long bisnis long wanwan yia na prais bilong dispela olgeta mani **i kam aninit long PGK 400,000, em ol bai kisim 80% sapot** bilong mekim ol wok we inap long kamap long en. Dispela em i stap aninit long ol wanwan pas (i gat plen long en) we ol i makim pinis long en;

### 3.3 MAK BILONG MONI INAPIM OL WOK POROMAN

Antap long dispela mak bilong mani we dispela projek bilong ol wanwan lain husat i wok poroman wantaim, na, em i ken ron long en, em bai mak long K1, 750, 000 (wankain olsem US\$700,000);

Tingting i stap olsem:

- Dispela mak bilong projek sapot bilong namel sais bisnis i go long bikpela sais bisnis bai i stap namel long mak bilong K125,000 i go long K1,750,000 (wankain olsem US\$50,000 i go long \$700,000); na
- Ol liklik ol bisnis, em bai mak long K50, 000 i go long K187, 500 (wankain olsem US\$20,000 i go long \$75,000).

### 3.4 WANEM KAINKAIN WOK PPAP I SAPOTIM?

Dispel ol wok poroman wantaim em bai kamap long wanem kain singaut em i stap long en na tu antap long wanem kain mak ol i bin wanbel na putim long en. Na dispela ol mak em i mas wankain liklik olsem dispela ol mak **PPAP** i putim long en (i no stap long wanpela oda) em i kam aninit long dispela wanbel namel long 2-pela o moa poroman long sait bilong bisnis kain olsem:

- a) *Spesol trening bilong kamapim gutpela pasin bilong wok gaden* na tu kain rot bilong lukautim gut ol gaden kaikai long ol binatang nogut long bagarapim, kain olsem ‘ol trening we ol asiasen i save givim’ long sait bilong kakau. Ol narapela rot bilong kisim trening i soim gutpela kaikai, na trening bilong lida bilong ol fama grup insait long ples bilong kamapim kakau na kopi.
- b) Trenim ol fama long kamapim ol samting *we skel bilong en i gutpela na karim bilong en tu i mas i go planti stret*. Dispela em kain olsem givim nupela sapot long ol fama long kamapim dispela pasin bilong senisim ples bilong planim wanpela kain kaikai na kamapim gut ol samting bilong helpim gro bilong ol gaden kaikai.

- c) *Post-Harvest* na pasin bilong prosesim ol samting. Dispela em toktok long putim ol samting olsem mani, taim na wok hat bilong yu i go insait long bisnis bilong mekim i kamap gut dispela pasin bilong prosesim, stretim na ples bilong putim gut ol samting bilong usim long bihain taim. Dispela em long sait bilong lukautim gut skel bilong dispela ol samting i mas i go gut na tu dispela ol samting em mas inap long kamap long dispela kain envaironmen.
- d) Trening bilong kamapim gutpela *pasin bilong wokim bisnis* na tu *lukautim fam*.
- e) Kamapim na surikim ol gutpela rot bilong mekim wok i go moa yet. Dispela em bilong kisim man long mekim wok olsem wanpela didiman na tu lainim ol long kamap long mak bilong mekim dispela wok gut. Ol i ken wok wantaim ol narapela ki lain insait long dispela bisnis bilong karim aut dispela fama wok na mekim i kamap isi na moa gutpela. Long narapela sait tu em long mekim skel bilong ol samting i kamap moa gutpela na karim planti moa na tu lainim long mekim gut tru dispela wok bilong lukautim bisnis na ol fama wok.
- f) Inap long strongim ol *fama grup o wanpela bisnis we i gat planti ol memba long en*, insait long pasin bilong save gut tru long ol rot bilong ronim asosiasen . Kain olsem; managim, lukautim recod na wok wantaim ol memba.
- g) *Ol sistem bilong kamapim samting we i gat tok orait bilong usim na bai inap long stap longpela taim*. Em bilong sapotim ol tingting na laik bilong ol fama grup long sait bilong kamapim ol spesol kopi na kakau we i gat bikpela luksave i kam yet long ol narapela kantri. Dispela i karamapim kain ol tok save long sait bilong helpim ol fama bilong mekim ol gutpela disisen long wanem kain rot ol bai bihainim. Kain olsem sapos ol makim [certification](#), orait wanem kain rot stret bilong [certification](#) em bai ol bihainim stret. Dispela kain samting nau, em ol bai nidim sapot bilong ol lain husat i save givim dispela kain save. Kain olsem ol skul, o ol fama grup o ol memba bilong wanpela kampani o oganaisesen husat bai traime long givim gutpela skul toktok namel long dispela ol lain na tu toktok long wanem kain rot stret dispela [certification](#) i makim long en.
- h) *Kamapim moa gutpela sidling (pikinini kaikai) bilong planim*: Dispela pasin bilong stretim na putim i go bek ol sidling olsem long nambawan taim ol i bin kamap long en na tu mekim ol neseri we i stap pinis long en i go moa bikpela. Na em i kam aninit long ol lain husat i gat save long mekim dispela kain teknikal wok, kain olsem ol neseri long ples na [budwood](#) gaden. Planti taim, dispela ol poroman insait long bisnis bai lukautim na ronim ol wok i kamap insait long neseri.
- i) *Mekim kainkain wok fama*: Taim 2-pela o planti bisnis i wok bung wantaim long kamapim wanpela o 2-pela gaden kaikai na tu nupela teknologi long kamapim senis long sait bilong kakau na kopi faming system. Dispela em bai daunim ol kain kain bagarap i laik kamap sapos wanpela kain kaikai tasol ol i planim long gaden.

### 3.5 WANEM OL KAINKAIN WOK PPAP BAI NO KEN SAPOTIM?

Dispela lista bilong ol wok we mani bilong dispela projek i no inap long karamapim long en:

- Ol wok we i lukluk long ol **bikpela ol blok-holda o plentesin**. Tasol taim ol i usim olsem wanpela hap ples bilong surikim taim bilong karim ol samting i kam lusim , prosesim na tu ol maket sevis i go long ol smolholda long ron gut;
- **Ol wok painim aut**, tasol long ples we i gat bikpela nid i kam yet long ol smolholda;
- **Mani bilong helpim long peim long karim (transpotim)** ol samting;
- **Ol samting** kain olsem **mobile** fon, **laptop**, o kar **we em i isi long karim raun**;
- **Ol wok we i no kamap long dispela mak bilong wol benk sefti polisi i toktok long en**: Ol wok we i gat nogut bilong en long sait bilong sosol o environmen na i no kamap long dispela mak we Wol Benk na sosol sefti polisi i putim long en na dispela em ol lain bilong projek Environmen na **Social Management Framework (ESMF)** i toktok long en, (lukim long **seksen 5**);
- **Plantil ol kain kain skul wok**, tasol antap long dispela ol skul i stap pinis insait long wanpela komuniti insait long ol ples we ol i makim pinis long en. Em bilong makim na soim kain ol plen olsem;
- **Prais bilong olgeta samting na tu bilong lukautim bisnis bilong ol poroman insait long bisnis** we i no go stret na pas wantaim ol nupela wok projek, na
- Putim mani i kam insait long ol wok wantaim **namba 3 lain** we i no stap long dispela wanbel ol poroman insait long bisnis i bin mekim long en o i no bung wantaim dispela bisnis poroman husat i go pas long en.

## 4 KOMPONEN 3 – Infrastraksa – Rot na Bris

As tingting bilong komponen 3 em long kamapim isipela na gutpela rot long sait bilong maket insait long dispela wok sapot long ol wok i wok long kamap aninit long Productive Partnerships. Liklik toktok long sait bilong dispela komponen em i stap long hia na dispela em bilong givim tok save long ol lain husat i aplai long en, i ken luksave long ol wanem kain helpim i stap bilong helpim ol insait long dispela wok bung wantaim. Dispela olgeta ol wok em ol bai soim na tu ples we ol sub-projek bilong infrastraksa bai kamap long en. Plen bilong wokim infrastraksa i mas noken stap insait long dispela pas we i gat plen long en bilong nambawan singaut long salim ol aplikesen pepa i go.

Dispela hap plen bilong wokim invesmen insait long maket infrastraksa (rot na bris), em kam aninit long komponen 3 bilong dispela projek. Em bai lukluk long dispela 4-pela samting:

1. Taim ol makim na putim i go pas dispela ol invesmen insait long maket access infrastraksa (rot na bris) we i kam aninit long productive partnership we komponen 2 i bin soim long en. Dispela em long givim moa helpim antap, insait long pasin bilong daunim ol kain kain hevi insait long ples we ol wok bung wantaim I kamap pinis long en.
2. Ol wok bilong infrastraksa (rot na bris) bai kamap taim i gat save olsem i gat lain bai lukautim na stretim igo longpela taim.
3. Wanpela gutpela na strongpela rot bilong stretim na lukautim gut ol ol samting bilong kisim helpim na ol rot bilong karim kago i go kam em bai kamap insait long dispela wok bung wantaim namel long ol praivat sekta na LLG na tu ol privisol gavman, long sait bilong skelim gut wok na mani bilong mekim wok namel long ol yet.
4. Ol invesmen bai lukluk tasol long ol samting bilong bisnis we i stap pinis long en, long sait bilong stretim na lukautim. Long wanem, em wanpela rot bilong helpim ol stekholda long abrusim hevi bilong stretim na baim ol nupela samting gen bilong bisnis.

Pasin bilong makim na luksave long wanem kain infrastraksa i stap long ol wanwan sub-projek bai i kamap bihain long taim ol i makim ol wok bung wantaim. Long kamapim dispela infrastraksa, ol bai lukluk long sapotim dispela plen bilong kamapim gut wok na tu tingim infrastraksa long sait bilong maket we ol hevi, ol i bin soim long en bihain long taim ol i bin mekim wanpela wok painim aut na lukluk i go bek long ol teknikal wok i bin kamap long en. Plen bilong dispela infrastraksa long sait bilong ol wanwan sub-projek, em bai inap long ol i ken gat olgeta maket sevis infrastraksa bilong kakau na kopi insait long dispela ol ples bilong ol poroman husat i wok bung wantaim we ol i makim pinis long en. Na dispela infrastraksa em bai sapotim dispela ol wok bung wantaim we komponen 2 i bin makim na soim long en, olsem na dispela infrastraksa em bai lukluk klostu long wanwan ples we wok i kamap long en bilong ol poroman bisnis.

## 5 TOK LUKAUT LONG SAET BILONG ENVAIRONMEN NA SOSOL GAIDENS

Dispela [Productive Partnership in Agriculture Project \(PPAP\)](#) em bai kamap insait long banis bilong [Environment and Social Management Framework \(ESMF\)](#). Long wanem, dispela em long soim olsem dispela ol wok projek we bai kamap long en, em bai inap long wok gut na bai nogat bagarap bilong en long envaironmen o sosol. Sapos em no inap long ol i ken abrusim, orait, ol i ken traim long lukautim na mekim liklik bagarap tasol. Toktok na buk bilong [ESMF](#) long sait bilong projek em i stap long [CIC website](#): <http://www.coffeecorp.org.pg/ppap.html>

Ol i wokim dispela [ESMF](#) long wanem, ol laikim dispela olgeta invesmen insait long [PPAP](#) i mas bihainim gut dispela ol [Environmental Law of the Independent State of Papua New Guinea](#) na tu [Environmental and Social Safeguard Policies of the World Bank](#).

Dispela [World Bank Safeguard Policies](#) we em bai kamap long en, em kain olsem;

1. Lukluk klostu long wanem ol gutpela na nogut samting bai i kamap long envaironmen (OP4.01).
2. Lukluk long rot bilong abrusim na stopim ol binatang nogut long bagarapim ol gaden kaikai na ol animol bilong lukautim tu (OP4.09).
3. Lukluk long papa graun bilong dispela ples we projek i bai kamap long en (OP4.10).
4. Lukluk long rot bilong rausim ol manmeri husat i stap stret long ples we projek i bai kamap long en, na movim ol i go long narapela ples we ol i no laik long go (OP4.12).

Dispela ol polisi em i karamapim olgeta ol wok we [PPAP](#) i go pas long en na planti bilong dispela olgeta toktok i stap insait long [ESMF](#).

Dispela [website](#) bilong Wol Benk: <http://go.worldbank.org/WTA1ODE7T0> , em i gat olgeta lista bilong dispela ol toktok bilong [Bank Safeguards](#) na wanem kain rot long bihainim.

Dispela [Papua New Guinea Department of Environment and Conservation \(DEC\)](#) em i wanpela nesenel agensi na wok bilong en, em long lukautim envaironmen insait long Papua New Guinea.

Insait long yia 2002, dispela lo bilong [Environmental Act 2000](#) i bin kamap. Long disepla taim, ol i bin lukluk long wanem kain ol wok na projek em inap long kamap insait long wanwan envaironmen bilong Papua New Guinea na ol i bungim dispela olgeta ripot wantaim na mekim i kamap wanpela lo tasol. Dispela proses bilong [Environmental Impact Assessment \(EIA\)](#) insait long Papua New Guinea i putim aut long en, em i wankain liklik long dispela [Environmental Act 2000](#) na [Environmental Regulatory Framework \(ERF\)](#) (DEC 1996).

Ol dispela poroman husat i salim pas i gat plen long en i go long dispela nambawan singaut bilong [PPAP](#) projek long givim tok orait, ol i mas noken tingting planti long dispela ol rot we [EIA](#) i putim i kam aut long en.

Ol [PMU](#) bai helpim dispela ol poroman we ol i makim pinis long salim i go olgeta toktok na plen bilong karim aut wok na tu olgeta bisnis plen bilong ol bilong luksave na kamap long dispela mak we [EIA](#) i putim long en.

## 6 WANEM KAIN ROT O WEI OL POROMAN IMAS SAVE LONG KISIM TOK ORAIT BILONG PPAP?

Bai givim wanpela kain rap piksa long olgeta wok na tu wanem taim stret bai dispela ol wok i kamap insait long taim ol i makim ol projek olsem long nambawan na nambawan tu (2) singaut. Dispela seksen em i toktok long olgeta wok em bai kamap insait long dispela nambawan signaut.

Long soim ples klia olsem dispela pasin bilong makim ol poroman em i no antap long tingting bilong wanpela man o meri olsem na ol i bai bihainim dispela ol rot;

1. **Promotim na singaut bilong raitim dispela ol pas i gat plen long en.** Bai i gat planti kibung bilong tok klia long ol bikpela as tingting bilong **PPAP** na tu em bai toktok long wanem kain mak long kamap poroman na wok bung wantaim insait long 4-pela kopi provins na 2-pela kakau provins. Dispela ol kibung em **CIC** na **CB** bai helpim ol **PMU** long karim aut. Ol toksave insait long nuispepa bai soim stret wanem taim stret bilong salim i go dispela ol pepa i gat plen long en na tu wanem taim bai ol givim toksave long bekim bilong dispela ol pas. Wanpela rap piksa bilong raitim 3 – 4-pela pes pas we i gat plen long en, na em i stap insait long **Appendix 2**. Long **Appendix 3**, em soim ol wanem kain mak ol bai givim long ol lain husat i laik kamap poroman. Yu ken salim ol aplikesen pepa i go long ol opis bilong **CIC** insait long Provins o sapos nogat, yu ken salim i go stret long het opis bilong kopi (**CIC**).
2. **Raitim nem na lukluk gut long wanem kain mak ol inap long makim.** Long wankain taim, ol lain long **PMU** i kisim dispela aplikesen pepa em ol bai raitim nem i go daun long komputa we i tok **electronic Record of Application Received**. Taim **PMU** i kisim dispela olgeta aplikesen pepa pinis orait, em bai traim long go bek na lukluk gut tru long dispela ol aplikesen pepa long sekim olsem ol i pulimapim aplikesen pepa gut o nogat na tu ol i bihainim stret dispela ol mak we ol i putim long en o nogat.
3. **PMU i mas go bek na lukluk gut na makim ol Aplikesen pepa bilong ol poroman long sait bilong ol sub-projek.** Ol **PMU** bai usim disepla pepa i gat poin long em (i stap long **Appendix 3**) bilong skelim gut dispela 3-4-pela pes bilong pas i gat plen bilong mekim projek. Na ol dispela aplikesen we **PMU** i makim olsem mak bilong ol i go antap stret (liklik poin ol inap long abrusim em – 70%) taim ol **PMU** i usim dispela **pre-determined scoring system**, orait bai ol i salim dispela ol aplikesen pepa i go bek long ol lain husat i salim dispela ol aplikesen pepa i kam na givim toksave long wanem kain samting ol bai wokim long redim ol yet.

Bihain kopi **PPAP PMUs** i sekim dispela ol aplikesen pepa na lukim olsem ol i ken makim ol orait, dispela ol aplikesen pepa ol i makim long en, em bai ol salim i go long ol memba bilong **Industry Coordination Committee (ICC)** long ol i ken skelim gut na makim long hap. Yu mas save olsem dispela ol memba bilong **ICC** em ol i no wok bung wantaim wanpela oganaisesen husat i salim dispela pas i gat plen long en i kam long ol bai lukim. Sapos i gat toktok i stap namel long wanpela memba bilong **ICC**, orait ol i mas tokaut na rausim dispela memba long taim bilong mekim disesen long dispela aplikesen pepa we i gat toktok long en. Dispela ol **ICC** bai lukim na makim wanem kain poroman stret long gat wantaim dispela kain ol helpim bilong inapim wanpela narapela insait long dispela mak we em inap long ol i ken makim na givim toktok i go bek long **PPAP PMU**.

Wanem ol lain husat i aplai bai kisim toksave long ol wanwan [PMU](#) bilong ol insait long 15-pela de bilong wok wantaim risit olsem ol i makim ol o nogat (wantaim dispela as tingting long wanem na ol i no makim ol. Em bai ol raitim na salim i go long dispela ol lain husat i aplai na ol i no kamap long dispela mak). Sapos ol wanbel na makim dispela ol pas i gat plen long en, orait bai ol i toksave long dispela ol lain husat i raitim dispela pas olsem ol i makim ol long go insait long nambatu (2) lista bilong ol. Ol i bai askim ol long pulimapim wanpela fom bilong [Project Implementation na Business Plan](#), we [PPAP](#) i bin putim na makim long em. Kain olsem ([management, environmental, procurement, financial](#) na [M&E](#)) na dispela ol samting em ol i bai salim i go long ol lain husat i aplai long en.

Ol i bai makim na givim poin long dispela ol pas i gat plen long en, kain olsem;

**Class A** – ol aplikesen pepa we inapim dispela olgeta mak bilong singaut nambawan, em bai ol askim ol long ol i mas hariap long kamapim wanpela pas we i gat olgeta plen bilong projek (o [Project Proposal \(PP\)](#)).

**Class B** – sampela bilong dispela ol aplikesen pepa em ol bai givim liklik tok orait tasol na dispela kain aplikesen pepa, em bai nidim moa wok long kamap gut long disepla mak we ol putim long en wantaim sampela helpim i kam yet long [PMU](#). Dispela em mas i kamap pastaim long ol i ken askim long kamapim olgeta plen bilong projek (o [Project Proposal \(PP\)](#)).

**Class C** – dispela ol aplikesen pepa we i no kisim tok orait long en, em bai ol salim i go bek long ol lain husat i aplai long en.

Ol lain husat i gat aplikesen pepa bilong ol i stap long **Class A**, em ol bai nid long kamapim olgeta plen bilong projek ([Project Proposal \(PP\)](#)). Ol lain husat i gat aplikesen pepa bilong ol i stap long Class B, mipela askim ol long raitim gen lon namba 2 singaut long aplai.

Pasin bilong haitim dispela kain toktok em bai kamap olsem nambawan samting long ol lain husat i tingting long wok bung wantaim na salim i go pas bilong ol we i gat plen long en. Dispela ol [PMU](#) bai givim tok promis olsem ol bai lukautim gut na makim ol wanwan wok lain tasol long lukluk long disepla ol pas. Dispela em olsem wanpela wok we ol i putim antap long dispela tok lukaut sapos i gat toktok i kamap insait long [TAC panel selection](#) we ol i toktok pinis long antap. Na tu kamapim wankain recod bilong ol lain olsem ol poroman o ol lain husat i save givim sevis, olgeta [PPAP](#) wok manmeri na ol memba bilong [Industry Coordination Committee \(ICC\)](#) na tu dispela ol [Technical Appraisal Committee \(TAC\)](#) long putim mak bilong ol long pepa. Ol i mas harim na bihainim dispela [PPAP Code of Conduct](#) na insait long dispela i gat wanwan toktok bilong dispela nid long haitim sampela samting long ol narapela. Dispela [PPAP Code of Conduct](#) em i stap long [Appendix 4](#).

## 7 PASIN BILONG GIVIM MAK LONG DISPELA RESIS

Ol pas i gat plen long en, i mas lukluk tasol long ol wok we em inap long kamap long em, kain olsem dispela nambawan singaut i go long raitim pas (we i gat plen long en) i bin toktok long en (lukim antap). Dispela olgeta wanwan toktok long dispela mak bilong makim dispela pas i gat plen long en, em i stap long [Appendix 3](#) na tu olgeta wanwan toktok bilong kisim poin.

Dispela ol mak em kain olsem:

- a) **Dispela ol save long mekim wanpela samting, managim na inap long kamapim nupela rot na tingting bilong ol poroman husat i go pas long em:** Dispela poroman husat i go pas long en, em mas soim olsem em inap stret long mekim wok em yet (kain olsem; [clean audit opinion, no prior defaults, respected reputation](#) insait long traid na komuniti) na tu em mas gat save long mekim ol wok insait long dispela sekta. [PMU](#) bai mekim wanpela fomol rivu long ol wanwan liklik bisnis long mekim ol i kamap stret long dispela ol mak we ol i putim long en. Sampela taim, ol [financial officer](#) bai nid long lukluk gut long ol pepa wok bilong mani insait long dispela ol liklik bisnis olsem ol inap long ron o nogat. Long sait bilong lukautim dispela ol bisnis, dispela poroman husat i go pas long en, i mas soim olsem em i bin mekim dispela kain wok bipo.

Sapos dispela wok bung wantaim em i karamapim ol wok olsem; ol kontrak wok, lukluk na lukautim ol wok bilong ol [extension officer](#) o [nursery operator](#), kain olsem orait, dispela pas i gat plen long en i mas soim olsem ol i gat save pinis long mekim dispela kain wok na tu wanem kain rot ol bai nid long karim aut long kamapim gutpela kaikai bilong dispela wok long taim bilong em stret na prais bilong mekim dispela olgeta wok em i orait. Bikipela tingting na laik em ol bai givim i go long wanem kain rot stret mani i go bilong karim aut ol sevis i go long ol smolholda fama. Mak bilong dispela olgeta samting em stap long **17%** bilong olgeta ol mak.

- b) **Dispela mak we em inap long go:** Hamaspela ol liklik ol kopi bisnis na kakau smolholda husat i stap insait long dispela wok bung wantaim na tu bai kisim ol helpim, em ol tu bai lukluk long ol wok bilong ol na givim poin long ol. Dispela grup em bai mak olsem **10%** bilong olgeta mak.
- c) **Helpim long sait bilong mani na sosol:** Dispela em i gat 3-pela mak. Nambawan mak, em i lukluk klostu long wok bilong ol smolholda fama we inap long kamapim samting na skel bilong dispela ol samting i gutpela. Na tu ol narapela samting olsem long sait bilong kisim [certificate](#) we em inap long senisim prais bilong ol samting stret. Nambatu (2) mak, em ol i save lukluk, skelim na traim long givim wanpela rap mak long wanem kain wok ol i kamapim long sait bilong save na ol rot bilong wok bung wantaim bilong inapim dispela ol wok insait long ol fama oganaisesen o ol komuniti i stap arere long ol. Na namba tri (3), em ol i save lukluk, skelim na makim ol wanwan mak bilong dispela pas i gat plen long en long kamapim wok bilong ol meri na givim sans long ol meri i ken kamapim gutpela save long mekim gut tru wanpela samting we bai mak bilong en i bai go antap. Dispela em ol laik lukim olsem long wanem kain mak stret em dispela kain samting em i ken kamap insait long dispela ol komuniti we ol i makim pinis long en. Ol pas i gat plen long em i ken kisim helpim, taim ol i gat kain ol oganaisesen husat i save gut long mekim wanpela samting na inap long kisim

na wok bung wantaim ol grup husat i save kamapim kaikai na tu wantaim ol meri bilong ol komuniti long ples o ol i ken kamapim ol spesol mak long strongim ol wok we ol meri inap long mekim long en.

Dispela ol 3-pela mak, em bai nidim sampela ol skul toktok long sait bilong mani, sosol na wanem ples stret dispela ol komuniti o ol poroman i stap long en husat bai kisim helpim long dispela wok bung wantaim. Na tu i gat gutpela sans long kamapim moa kakau na kopi na skel bilong ol i gutpela insait long dispela ol ples we ol i makim pinis long en. Mak bilong dispela wok bilong lukluk, skelim na makim gut em i mak olsem **25%** bilong olgeta mak.

- d) **Lukluk long sampela samting bilong envaironmen:** Taim yu lukluk i go na skelim dispela ol mak we dispela pas i gat plen long en i toktok long en, long sait bilong lukluk long sampela samting bilong envaironmen kain olsem; ol rot bilong lukluk gut long ol samting i kamap long graun, kamapim gutpela graun, lukautim gut ol rabis na pipia na tu usim ol kemikol olsem [agrochemical](#) long mak bilong en stret. Sapos yu no lukautim wanpela envaironmen, orait mak bilong en i ken kamap nogut long bihain taim. Dispela grup em mak olsem **8%** bilong olgeta mak.
- e) **Lukluk long sampela samting long teknikol sait na maket:** Ating dispela ol wok ol i tingting long mekim long en, em i orait na inap long ol i ken mekim. Long sait bilong skelim gut mani bilong mekim gut wok na bihainim gut dispela ol rot we ol i tingting long mekim olsem [plen bilong lukautim kopi](#), lukautim na was gut long ol samting, bai binatang nogut na sik tu i no ken bagarapim ol (dispela em i no olsem wanpela wok we ol i savem mekim olgeta taim). Na lukluk long ol gutpela toksave ol i bai mekim long teknikol sait bilong kakau na kopi smolholda long ol rot bilong mekim fama wok. Dispela olgeta wok em ol bai lukluk, skelim na makim. Ol tu bai lukluk klostu long olgeta wok we ol tingting long mekim long en, i mas kamap gut. Dispela em long soim olsem nogat wanpela samting em hait na tu ol smolholda husat i save kamapim kaikai bai isi long go kam long maket na long dispela rot em bai kamapim ol gutpela prais bilong ol samting we ol fama i salim na ol i ken kisim gutpela prais olgeta taim. Dispela grup em mak olsem **15%** bilong olgeta mak na ol wok we i no fit long kamap long en, em bai no inap long kisim wanpela poin.
- f) **Ol bisnis husat i wok bung wantaim i mas sanap strong long dispela wok ol i wokim long em:** Ol bai lukluk klostu na traim long skelim na makim ol dispela wok we ol poroman i tingting long mekim long en, em kamap long dispela mak we i stap insait long plen o nogat. Na tu ol helpim i kam long en bai inap long helpim ol wanwan hauslain bilong ol smolholda na ol fama grup i go inap long abrusim dispela mak bilong projek sapot o nogat. Mak bilong dispela grup em mak olsem **15%** bilong olgeta mak.
- g) **Wok poroman wantaim na ol hevi:** Antap long dispela ol wanwan mak we i stap long lista antap, em ol bai lukluk, skelim na makim dispela ol pas i gat plen long en we ol poroman i raitim pinis long en. Ol bai skelim kain ol samting we i save katim dispela mak we ol i putim long en long namel bilong em. Olsem na, dispela [TAC](#) bai lukluk long wanem kain rot stret ol dispela pas i gat plen long en bai inap long kamap long dispela mak we ol i putim pastaim long en we i kam ananit long dispela ol grup antap, na wanem kain rot ol inap long kamapim long ol i ken wok bung wantaim ol

narapela oganaisesen o ol [program](#) we bai helpim long strongim ol wok we ol poroman i wok long mekim i stap. Wankain tasol, dispela mak we ol i makim ol pas i gat plen long en, i soim olsem em i ken luksave long ol hevi we i ken kamap namel long taim ol poroman i laik wanbel na wok bung wantaim. Kain olsem, sapos wanpela hevi i kamap namel long dispela poroman husat i go pas wantaim dispela ol komuniti we wok bai kamap long ples bilong ol, long sait bilong wok bung wantaim na trastim wanpela narapela. Insait long dispela kain hevi, em bai yu stretim olsem wanem? Dispela grup em i mak olsem **10%** bilong olgeta mak.

Taim yu lukluk long dispela olgeta samting antap, em ol i givim wanpela [skel lo makim ol proposal](#) bilong lukluk na skelim gut dispela ol pas i gat plen long en wantaim dispela ol mak we ol i putim long en bilong wanwan lain husat i aplai long en insait long [Appendix 3](#).

## Appendix 1 Taimlain bilong ol Wok Poroman.

Ol i ting olsem dispela olgeta rot bilong givim tok orait long ol poroman husat i raitim dispela pas i gat plen long en, long taim bilong dispela nambawan singaut i bin kamap i go long taim bilong karim aut dispela wok, em bai kisim olsem mak bilong 21-pela wik. Tebol 2 long daunbilo i soim ol dispela taim we ol wanwan wok i bai kamap long en.

**Tebol 2: Taimlain bilong ol wok poroman long sait bilong ol Projek**

<b>Ol wok</b>	<b>Taimlain</b>
<b>Promotim</b>	<b>Wok i save go yet</b>
<b>Nambawan Rot (1)</b>	
<b>Singaut bilong raitim proposol.</b>	De 1
<b>Taim bilong salim i go dispela ol proposol i gat plen long en.</b>	20-pela wok de (4-pela wik)*
<b>Taim bilong givim nem na skelim sapos inap long ol i ken makim</b>	I go antap long 10-pela wok de (2-pela wik)
<b>Lukluk gen long ol aplikesen pepa bilong ol poroman husat i wok bung wantaim, nambawan samting we PMU bai mekim, em long sait bilong givim poin na tu em bai salim ol toksave i go long ol lain husat i aplai.</b>	I go antap long 15-pela wok de (3-pela wik)
<b>Nambatu Rot (2)</b>	
<b>Redim ol Poroman husat i wok bung wantaim.</b> Redim ol Bisnis Plen na ol Plen bilong karim aut ol Projek wok	I go antap long 30-pela wok de (6 wik)
<b>PMU mas sekim na save gut olsem dispela olgeta samting insait long aplikesen pepa em tru stret.</b> Bai sekim ol pepa wok na skelim na lukim ol bisnis plen sapos ol i kamap long dispela mak o nogat na tu ol plen bilong karim aut ol projek wok. Dispela em long kamap long dispela mak we ol i putim long taim bilong salim ol aplikesen pepa na tu bilong kisim na lukautim gut wanpela samting, sait mani na tu inapim mak bilong M&E.	I go antap long 15-pela wok de (3 wik)
<b>Lukluk i go bek long ol aplikesen pepa bilong TAC poroman husat i wok bung</b>	I go antap long 5-pela wok de (1 wik)

<b>wantaim na pasin bilong makim.</b>	
<b>Raitim ol kontrak nem bilong ol poroman husat i wok bung wantaim.</b>	I go antap long 10-pela wok de (2 wik)
<b>Mak bilong antap taim, em stat long taim dispela nambawan singaut bilong raitim dispela pas i gat plen long en, i go long taim dispela olgeta samting i kamap.</b>	<b>I go antap long 21-pela wik</b>
<b>Karim aut i wok bilong sub-projek</b> <ul style="list-style-type: none"> <li>• Karim aut i wok bilong projek komponen.</li> <li>• Lukautim was na bosim na tu sapot long inapim dispela mak.</li> <li>• Tingting bilong lukluk, skelim na makim wanpela samting long kamap moa gutpela.</li> </ul>	Mak bilong en, em 52 wik, tasol wantaim ol longpela projek, ol bai larim em long go antap long 3-pela yia.

\*Mipela sukirim taim bikos em taim bilong Krismas na Niu Yia

## Appendix 2. Aplikasien Fom bilong ol Singaut long proposal bilong ol wok Poroman

Bipo long yu pulimapim dispela fom, plis yu mas ritim dispela ol toktok bilong ol PPAP wok poroman bilong soim yu rot bilong aplai. Yu mas traim long luksave long dispela ol rot ol i soim (**we yu mas rausim pastaim na bihain yu ken pulimapim na salim i go dispela ol fom**) we ol i givim pinis insait long wanwan bokis bilong dispela fom. Yu mas bekim olgeta askim long **1** i go inap long **8**.

Yu ken salim dispela ol pas i gat plen long en, i go long opis bilong CIC i stap long provins, o yu ken salim stret i go long het opis bilong CIC.

Olgeta toktok yu givim insait long dispela nambawan singaut bilong raitim pas i gat plen long en, em mas sot na i go stret long poin, tasol em tu mas toktok long olgeta wanwan samting we i stap insait long dispela fom. Pasin bilong haitim dispela kain toktok em bai kamap olsem nambawan samting bilong tingting gut long en, long wanem ol PPAP poroman husat i wok bung wantaim na olgeta ol wok manmeri bilong ol na tu ol teknikal spesolis husat i bai gat we long lukim dispela kain ol toktok we i stap insait long CFP bai putim mak bilong ol long pepa we ol tok PPAP Code of Conduct. Dispela pepa, em bilong soim olsem, dispela olgeta toktok ol i lukim bilong yu na wanem kain asosiasen, em bai ol i no inap long tokim wanpela man o meri, long wanem ol i putim mak bilong ol pinis antap long pepa.

**1 1. Olgeta liklik toktok bilong ol wok poroman:** PPAP i save sapotim wok bilong ol poroman we em i fit nogut tru namel long ol kampani husat i go pas long en na ol lo kampani husat i makim ol smolholda fama insait long ol wanwan ples (ol komuniti we ol i makim pinis long em). Nau long dispela taim, ol bai lukluk pastaim long dispela ol pas we i gat plen long stretim na planim gen nupela kopi long ol olupela kopi projek. Dispela olgeta telepon namba na adres bilong dispela ol poroman husat i wok bung wantaim, em bai ol putim i go daun long database bilong ol PPAP wok poroman bilong ol long lukim na skelim bilong bihain taim sapos ol i laik toktok wantaim ol gen. Yu mas raitim i go daun olgeta ol samting yu save mekim long sait bilong lukautim o wok bung wantaim ol komuniti long ol divilopmen projek..

**Poroman husat i go pas:** Long kisim ol kontrak ol dispela poroman husat i go pas long en, i mas givim nem bilong ol wantaim ol lo pepa bilong soim olsem ol inap long mekim dispela wok. Plis, yu mas givim wanpela kopi bilong IPA registration o ol narapela lo pepa long soim wanem kain man o oganaisesen yu stap long en. Olgeta ol toktok long sait bilong mani insait long bisnis (defaults, bankruptcy, etc.) we yu bin bungim insait long dispela laspela 10-pela yia i go pinis long en, em yu mas putim wantaim; sapos yu no mekim olsem, orait ol i ken rausim nem bilong yu..

**Nem na olgeta ol telepon numba na adres bilong dispela man o meri bai ol toktok wantaim long en:** Wok bilong dispela man o meri long kamapim ol rot bung, wantaim PPAP Project Management Unit (PMU); em bilong tok aut long posisen, givim pos opis na e-mail adres, telepon na fax namba bilong ol lain husat bai toktok wantaim PPAP..

**Man o meri husat i go pas long stretim ol wok bilong ol poroman:** (Sapos em i no dispela man o meri husat i save givim telepon na adres bilong ol lain i go long PPAP, orait givim nem na wanem kain wok em wokim i stap nau, givim pos opis na e-mail adres wantaim telepon na fax namba bilong dispela lain husat i bai go pas long stretim olgeta wok we bai kamap wantaim ol narapela bisnis husat i wok bung wantaim.)

**Ol poroman husat i bung wantaim long wok:** (Oganaisesen, man o meri husat yu ken

toktok wantaim, wanem kain wok em mekim nau i stap, ol adres na telepon namba bilong em). Sampela moa toktok bilong ol narapela poroman em bai ol givim long dispela ol seksen.

(i)

(ii)

(iii)

(iv)

(v)

**Wanem ples projek bai kamap:** – ol toktok bilong wanem kain provins na distrik bilong ol komuniti we ol i makim pinis long en na we ol poroman bai i go wok wantaim long en.

**Nem bilong dispela wok poroman:**

**2a. Poroman husat i bai wok klostu wantaim 1:** Nem bilong oganaisesen na ol tok orait insait long lo bilong inapim yu long kisim kontrak. (e.g. IPA registration)

**2b. Membasip na profile:** Givim wanpela sotpela toktok bilong ol lain husat i kamap memba pinis long wanepela oganaisesen (bilong ol fama grup), ol ples we dispela wok bilong kamapim kakau/kopi na ol kain hevi bilong em.

**2a. Poroman husat i bai wok klostu wantaim 2:** Nem bilong oganaisesen na ol tok orait insait long lo bilong inapim yu long kisim kontrak. (e.g. IPA registration)

**2b. Oganaisesen Profile:** Givim wanpela sotpela toktok bilong olgeta wok we wanpela bisnis i bai kisim nau long sait bilong kamap long dispela mak bilong ol wok we PPAP poroman i bin putim long en..

**(Sapos i gat planti poroman, orait skruim sampela moa bokis long makim hamaspela poroman i stap long en.)**

**3a. Ol wok we ol bai toktok long en:** Givim ol toktok na olgeta wanwan wok we yu ting em bai kamap long en, aninit long dispela wok bung wantaim. Plis lukluk na makim gut dispela lista bilong ol wok we inap long kamap long em insait long dispela leta bilong Invitation.

**3b. Long soim olsem dispela olgeta samting em i tru:** Givim wanpela sotpela toktok long wanem kain ol hevi bai kamap long ol wok we dispela ol poroman i tingting long mekim. Kain olsem, wanem em gutpela na nambawan samting dispela ol wok bai givim i go bek long dispela ol grup we ol i makim pinis long en na olgeta liklik toktok bilong ol i stap antap na tu, long wanem kain rot stret bai dispela ol wok we ol i tingting long mekim bai ron na kamap olsem wanem.

**4. Wanem as bilong wok bung wantaim:** I toktok long wanem kain samting dispela wok poroman i tingting long kisim long sait bilong kamapim strongpela tingting bilong divilopmen long laip bilong ol manmeri, taim dispela wok kontrak em i kam long pinis bilong em olsem i stap long Partnership Agreement. Bikpela tingting em ol bai givim long wanem kain rot stret dispela wok bung wantaim bai kamapim na inapim dispela ol benefits bihain long pinis bilong dispela partnership agreement.

**5. Ol benefit we yu ting bai kamap long em:** I toktok long ol benefit long sait bilong sosol na ikonomi we ol poroman bai givim long en, na long wanem kain rot stret bai dispela kain samting i kamap insait long wanpela longpela taim. Makim wanem grup stret bai kisim planti bilong dispela ol benefit na givim olgeta liklik toktok long wanem kain hevi bai kamap long dispela kain wok bilong ol poroman o nogut bai i gat sampela hevi long sait bilong envaironmen.

**6. Taim we dispela projek bai kisim long kamap:** Tingting em i stap olsem dispela ol Partnership Agreement bai kamap olsem mak bilong 1-3-pela yia. Tasol, sampela i ken kamap long sotpela taim, taim yu lukluk long wanem kain wok stret em bai kamapim.

**Stat: dd/mm/yyyy**

**Pinis: dd/mm/yyyy**

**7. Mak bilong prais na wanem hap stret dispela mani bai kam:** Plis yu mas soim hamaspela mani bilong ol wanwan praivat bisnis husat i kamapim dispela wok poroman wantaim i putim kam insait long em na wanem ples stret em PPAP i nidim sapot bilong mani. Dispela prais na nid bilong baim ol wokman insait long dispela projek em i wanpela mak we mani bilong ol poroman i bai go aut long en!

**8. Ol wok na wanem kain samting stret bai kamap long dispela ol wok:** Output em toktok long dispela ol wanwan mak we wanpela samting bai kamap long en na kamapim kaikai na sevis taim ol kain kain wok i wok long kamap (e.g. Ol ples we ol i planim/kamapim samting, kamapim ples bilong groim ol sid kaikai, etc.). Wanpela output i mas gat: taim we em i makim long en, i gat samting we em i ken makim long em; name i gat mak bilong mekim wok stret.

<p><b>Olgeta wanwan toktok bilong output</b> (wanwan samting, makim dispela samting, na wanem kain samting em bai kamap long em) Sampela toktok bilong output em olsem em i nogat wanpela verb insait long em.</p>	<p><b>Wanem kain rot bai yu soim olsem olgeta dispela samting em i tru</b> (wanem kain mak long makim olsem dispela output em yu kisim long en, na husat stret i kisim)</p>	<p><b>Ol wok</b> Raitim lista bilong ol wanwan wok we yu tingting long kisim long kamap long dispela mak bilong output. Planti taim, em bai nidim planti ol wok long kamap long dispela mak bilong output. Taim yu raitim wanem kain wok yu bai mekim, em i mas gat verb insait long en.</p>
1		
2		
3		
4		
5		
Etc.		

### Appendix 3. Pasin bilong skelim ol wok poroman, husat ianap kisim dispel halivim.

#### Pepa bilong kisim poin long en taim yu aplai

Makim na skelim dispela ol mak ol i putim long en	Bikpela poin	Ol poin ol i givim long en
<b>1. Dispela ol save yu gat long mekim wanpela samting, managemen na prais bilong ol samting em i orait</b>	<b>17</b>	
1.1 Dispela poroman husat i go pas long oganaisesen i mas sanap strong: I kamap long 6-pela o moa yia = 5-pela poin I kamap long 2-5-pela yia = 2 - 4-pela poin I kamap aninit long 2-pela yia = 0 - 1-pela poin	5	
1.2 Dispela poroman husat i go pas long en i gat gutpela recod bilong olgeta ol wok kontrak em i save lukautim na managim long mak antap long 2-pela yia, we i stap insait long dispela partnership Proposal o nogat?  Sapos yu nogat gutpela save long mekim wanpela samting kain olsem, sapos bisnis bilong yu i go bagarap o i gat planti dinau na nogat mani long benk, orait dispela em i ken givim yu mak nogut kain olsem mainas (-) 5-pela poin.	5	
1.3 Wanem kain rot stret bai mekim na prais bilong ol sevis (kain olsem; pasin bilong skruim na lainim long mekim gut wanpela samting) we ol i karim i go long ol smolholda fama na em bai inap long ol i ken baim o nogat?	5	
1.4 I gat wanpela fit na gutpela plen bilong projek managemen o nogat?	2	
<b>2. Hamas ol fama i stap insait long dispela projek?</b>	<b>10</b>	
Hamas smolholda fama i stap insait long kisim helpim i kam long ol productive partnership?  (20-50 fama = 2 poin; 50-100 fama = 4 poin; 100-300 fama = 6 poin; 300-500 fama = 8 poin; i go abrusim 500 fama = 10 poin)	10	
<b>3. Helpim long sait bilong sosol na ikonomi</b>	<b>25</b>	
3.1 Wanem kain samting stret bai mekim dispela helpim long sait bilong ikonomi bilong ol smolholda fama long kamapim samting (dispela i go long ol helpim bilong ol wanwan fama yet na tu bungim helpim bilong olgeta)?	10	
3.2 Wanem kain samting stret em bai mekim long kamapim wanpela narapela kain samting long ol fama oganaisesen o ol komuniti i stap arere long em? Dispela em long sait bilong kamapim gutpela save insait long ol oganaisesen na ol wankain wok olsem.	7	
3.3 Dispela proposol i gat plen long em bai givim wanem kain sans stret	8	

long ol meri long luksave long mekim gut tru na kisim gutpela mak? Na tu dispela ol samting bai kamap olsem wanem, insait long ol komuniti we ol i makim pinis long em?		
<b>4. Environmen</b>	<b>8</b>	
Lukluk long sait bilong environmen, wanem samting stret i soim dispela tingting bilong bisnis long sait bilong lukautim na managim dispela ol samting we i save kamap long graun na yumi save kisim moni long em, kamapim gutpela graun, usim ol kemikol na kain olsem?  I gat sans long bagarap bai i kamap, orait dispela em i ken givim yu mak nogut i go antap long mainas (-) 10-pela poin.	8	
<b>5. Long sait bilong Teknikol na Maket</b>	<b>15</b>	
5.1 Ating dispela ol wok ol i tingting long mekim em i orait na inap long ol i ken mekim na tu long teknikol sait em i orait ah?  Sapos sampela bilong dispela ol wok em i no orait long ol i ken mekim orait, dispela em i ken givim yu mak nogut i go antap long mainas (-) 5-pela poin.	5	
5.2 Long wanem rot stret bai dispela ol wok we ol i tingting long mekim, em bai kamap ples klia na ol smolholda fama bai isi long go kam long maket? Dispela em bilong kamapim moa gutpela mak insait long dispela longpela taim.	10	
<b>6. Ol poroman i mas sanap strong wantaim</b>	<b>15</b>	
Lukluk gut na makim dispela ol rot we ol i mekim bilong soim olsem dispela wok bung wantaim we ol i tingting long mekim na tu dispela ol helpim bilong ol poroman bai i sanap strong na abrusim dispela taim we ol i makim bilong projek sapot?	15	
<b>7. Wok bung wantaim na tu ol Hevi na Birua</b>	<b>10</b>	
7.1 Lukluk gut na makim ol wanem rot stret bai kamapim gutpela rot bilong wok bung wantaim ol narapela oganaisesen o program we em bai helpim ol dispela wok long ol i mas sanap strong.	5	
7.2 Pas i gat plen long en bai soim na makim dispela wanbel na tok orait bilong dispela ol hevi na birua we bai kamap long taim ol i laik mekim i kamap dispela partnership agreement.	5	
<b>Mak bilong dispela olgeta poin</b>	<b>100</b>	

## **Appendix 4. Gupel Pasin bilong wok (Code of Conduct) namel long ol PPAP wok manmeri na ol memba bilong ol Projek Komiti**

Dispela Code of Conduct em i wanpela kain lo we i save makim na putim wanem kain pasin em gupela na stretpela pasin bilong ol PPAP wok manmeri na ol lain husat i makim wanwan oganaisesen we i stap insait long dispela Industry Coordinating Board na tu Technical Appraisal Committee (TAC) long bihainim insait long wok ples. Dispela lo em i stap bilong olgeta wok manmeri bilong PPAP na ol komiti memba i mas bihainim insait long olgeta ol projek wok ol i mekim long en. Dispela em bai kamapim na soim olsem dispela ol oganaisesen we ol i makim long en, em mas kamapim gupela pablik nem na tu mak bilong em i go antap olgeta.

### *Pasin na tingting bilong tok tru*

Pasin na tingting bilong tok tru i mas kamap olsem wanpela nambawan pasin bilong olgeta long tingim na bihainim. Em kain olsem givim ripot na mekim i kamap ples klia dispela olgeta ol pepa wok namel long ol kastoma na ol lain husat i save salim kago. Insait long dispela ol pepa wok, i mas gat pasin bilong tok tru na tu stretpela na trupela pasin.

Ol wok manmeri i mas sekim gut na soim olsem dispela olgeta pepa wok bilong PPAP wantaim ol rekod bilong en, em mas ol pulimapim gut stret na ol samting ol i raitim insait long en i mas trupela na tu ol mas pinisim stret long taim. Bikpela tok Tambu em i stap long pasin bilong givim ol giaman toktok o toktok i no tru insait long dispela ol pepa wok. Tingting i stap olsem olgeta mani ol i givim i kam aninit long dispela projek, em i mas gat olgeta pepa wok bilong em kain olsem risit na invoice bilong soim rot mani i go long en insait long dispela taim ol i makim long en.

### *I mas gat rispek long ol manmeri na pasin bilong tok nogut na bagarapim narapela i mas noken kamap.*

Wanpela lo bilong PPAP em olsem, olgeta wok manmeri bilong em, i mas gat gupela pasin na rispek namel long ol yet. Dispela projek em bai no inap long larim dispela pasin bilong tok nogut na bagarapim wanpela narapela long sait bilong wanem nesen, ples o hauslain ol i kam long en, wanem kain lotu ol i go long em, o makim em man o meri, hamas krismas bilong em, em marit o yangpela o em i gat sik long bodi bilong em o nogat na kain ol samting olsem, insait long oganaisesen. Na tu bikpela tingting i mas go long ol manmeri husat i HIV Positive long ol i noken tok nogut na bagarapim ol.

Tingting i stap olsem olgeta ol wok manmeri bilong PPAP i mas soim gupela pasin na rispek long ol wanwok na kastoma bilong ol long olgeta taim.

### *Pasin bilong gat bilip na haitim ol samting we i kamap nambawan long wok bilong baim na salim ol samting we mak bilong em i bikpela tru.*

PPAP i luksave olsem dispela wok bilong baim na salim kakau na kopi i go ovasis em i olsem wanpela bikpela resis insait long bisnis, olsem na ol toktok bilong dispela kain samting na tu lukluk long prais na wanem hap long baim na salim dispela ol samting, kisim ol tok orait bilong ol fama na mekim ol pepa wok long sait bilong mani, em i wanpela bikpela wok we i gat planti senis i save kamap long **prais bilong dispela ol samting.**

Bikpela laik bilong PPAP em long promotim dispela pasin bilong wok bung wantaim ol praivat na pablik bisnis we em bai helpim ol narapela bisnis long sait bilong putim mani kam long mekim dispela ol wok we ol i wanbel long mekim long en. Olsem na, insait long olgeta pepa wok bilong ol praivat oganaisesen, PPAP bai nid long askim na save long sait bilong bisnis we mak bilong en i no bikpela. Dispela em bai kamap olsem statim poin we ol Project

Management Unit wantaim ol lain husat i save givim skul toktok, long lukluk na skelim gut sapos i gat co-investment insait long dispela wok poroman we em i ken givim samting we ol i bin wanbel pinis long em. Olgeta ol wok manmeri bilong PPAP husat i kisim sampela toktok long sait bilong wok bisnis namel long taim ol i bin wok long en, orait ol i mas traim long haitim dispela toktok insait long oganaisesen yet na noken tok aut i go long ol narapela.

*Yu no save long wanem hap stret tingting na laikim bilong yu i stap long en (Conflict of Interest)*

Dispela conflict of interest i toktok long samting we wanpela wok man o meri o wanpela memba husat i gat 2-pela o planti wok o laik bilong em i stap long planti hap na i no long wanpela samting tasol. Na dispela em i ken mekim tingting bilong dispela man o meri bai i no stap stret long wanpela samting.

Long kamapim gutpela pasin na tingting bilong tok tru i go long dispela mak we em i antap olgeta insait long taim bilong mekim ol projek wok na tu long kamapim tingting bilong yu yet taim yu lukluk i go bek long dispela ol wok i kamap long em; orait long kamap long dispela mak, olgeta PPAP wok manmeri na ol komiti memba i mas traim long abrusim kain ol wok we bai i no kamap wankain wantaim tingting na laik bilong ol na dispela i ken kamapim hevi namel long ol na ol projek wok ol i mekim long en.

Sapos tingting na laik bilong yu bai kamapim bel hevi, orait yu mas tok aut na raitim i go daun long pepa. Long dispela kain hevi, em dispela wok o desisen em bai ol givim i go long narapela wok man long mekim. As tingting bilong mekim kain pasin olsem, em bilong abrusim ol bel hevi we wanpela bai gat o tingim long em, na kamapim envoironmen we em i stap ples klia na tu daunim ol wok nogut bai kamap long en.

*Marasin (drug) na bia*

Olgeta wok manmeri husat i makim PPAP i mas kamap fit long mekim wok na noken kisim ol kain kain marasin nabaut na tu bia. Dispela em toktok long ol gutpela na nogut marasin wantaim. Tambu tru long kaikai buai na pulim simuk insait long ol projek opis.

*Presen*

Dispela pasin bilong givim na kisim ol presen namel long ol wok manmeri, o ol famili memba bilong ol wok manmeri, em i ken kamapim trabel. Long wanem, dispela kain pasin em bai ol lukim olsem dispela ol lain i laik traim long kisim bel na tingting bilong narapela.

Ol wok manmeri na ol famili memba stret bilong ol bai no inap askim, kisim o givim wanpela presen o mani we em i pas wantaim dispela wok bilong projek na prais bilong em i winim prais bilong ol presen nating. Ol presen kain olsem bilum na ol samting we ol i mekim long ol bus samting em yu ken kisim taim ol givim long wanpela fomol kaikai tasol, ol narapela ol presen we prais bilong em i go antap, em ol i mas tok aut pastaim long ol i ken givim. Sapos i gat kranki tingting insait long dispela, orait ol i mas toksave long Project Coordinator or Siaman bilong Project Steering Committee. PPAP projek wok manmeri bai no inap kisim o tingting long kisim wanpela pe i askim long ol kastoma bilong ol wok ol i mekim long sait bilong projek..

*Ol samting insait long projek we prais bilong em i go antap na i ken karamapim ol dinau*

Em i wok bilong olgeta ol projek wok manmeri long lukautim gut dispela ol samting we prais bilong ol i go antap na i ken karamapim ol dinau na tu dispela ol samting bilong kaikai we em bilong usim tasol long PPAP bisnis. Tambu tru long karim dispela kain ol samting bilong projek wok i go outsait long banis bilong PPAP tasol sapos ol i givim tok orait long mekim sampela spesol samting, orait yu ken karim i go outsait long PPAP banis.

Taim yu laik baim wanpela samting o mekim wanpela kontrak bilong dispela wok projek, orait yu mas traim long bihainim olgeta toktok i stap long PPAP Project Implementation Manual (Seksen 5 – Procurement Manual).

*Usim ol samting bilong harim na salim ol toktok*

Ol samting bilong harim na salim toktok long sait bilong projek kain olsem telepon, fax, e-mail na internet em bilong usim long mekim ol wok insait long opis tasol.

Antap long dispela, olgeta ol e-mail na ol pepa wok bilong wanpela lain i stap insait long PPAP IT network, em olgeta dispela samting em bilong dispela projek. Ol wok manmeri mas i nogat wanpela tingting long mekim autsait wok bilong ol yet wantaim dispela ol samting.

*Ol niuspepa, redio na TV*

Ol wok manmeri i mas noken go toktok wantaim ol niuspepa, redio na TV o raitim sampela toktok i go long ol, long sait bilong projek sapos ol i no kisim tok orait long ol wanwan PMU Project Manager bilong ol o wanwan CEO bilong CB/CIC. Taim ol laik redim dispela ol samting bilong go long niuspepa, redio o TV, ol i mas bihainim dispela rot bilong raitim wanpela fomol nem long kisim tok orait bilong ol long ol i ken salim i go dispela ol samting na dispela em ol wanwan Industry agency we ol PMU i makim long en bai mekim.

## **CONTACT DETAILS**

### **Productive Partnerships in Agriculture Project (PPAP) Coffee Component**

PPAP Coffee  
Project Management Unit  
Coffee Industry Corporation  
P.O. Box 137  
GOROKA, Eastern Highlands Province  
Tel.: 531 1284 or 532 1200  
Fax: 532 1351  
Email: [ppap@goroka.cic.org.pg](mailto:ppap@goroka.cic.org.pg)

Coffee Industry Corporation  
P.O. Box 137  
GOROKA, Eastern Highlands Province  
Tel; 532 1200  
Fax: 532 1214